

یوز اون یدنجی ماده هر نه صورتله اولور ایسه اولسون حکومت طرفدن اخذ و توقیف اولنان اشخاصک فراری وقوعنده بونلرک نقل وایصالنه مأمور اولان ضابطان ونقرات ومباشرلر و بونلرک محبسارده محافظه لریته مأمور اولان قره غول و حبسچی وزندانچی ونوتچی وقبوجی و بونلرکی مأمورلر خلاف اصول ونظام قیدسزلق و تیب ایدرک ارباب جنایتک فراری وقوعت بولور ایسه اول صورتله حرکتلری ظهوره کلتلر برهفته دن ایکی ایه قدر حبس اولنور و بونده مأمورینک صنع وغرضی وار ایسه بوکامتجاسر اولان مأمور فرار ایدن اشخاصک پادی محبوسیتی اولان جنایتک درجانه کوره التی ایدن اوچ سنه یه قدر حبس ایله تأدیب اولنور

یوز اون سکرنجی ماده حبس و توقیف اولنان اشخاصک محافظه سنه مأمور اولیان کیسه لر دن برادم محبوسینک فراری اسبابنی تحصیل و تسهیل ایدر ایسه برهفته دن التی ایه قدر حبس ایله مجازات اولنور

یوز اون طقوزنجی ماده کرک محبوسینک محافظه سنه مأمور اولان و کرک سائر کیسه لر دن برادم محبوسینک زور ایله فرار لری اسبابنی تحصیل ایچون بونلره الات و ادوات واسلحه اعطا ایدر ایسه موقتاً کورک جزاسیله مجازات اولنور

یوز یکرنجی ماده محبوسینک محافظه سنه مأمور اولانلر دن برکیسه ایچه الهرق بر محبوس قاچیردیغی صورتده اکر محبوسک جرمی قتل ومؤبد کورک یا قاعه بندلک جزالرندن برینی موجب اولان جنایا قدن ایسه الیدیغی ایچه نک ایکی قاتی جزای نقدی الیدقدن بشقه موقتاً کورک جزاسیله مجازات اولنور و اکر محبوسک جرمی بونلرک مادوننده برجرم ایسه مرتشی حقتده معین اولان جزا ایله مجازات اولنور

یوز یکریمی برنجی ماده محبسدن فرا ایدن و یا خود برجنایت ایله متهم